



UNIVERSITÄTS-
BIBLIOTHEK
PADERBORN

**Commentaria In Regvlas Cancellariæ Apostolicæ: Sive In
Glossemata Alphonsi Sotto, Glossatoris nuncupati**

Chokier, Jean de

Coloniae Agrippinae, 1674

Reg. LXXI. Revocatio facultatum & aliarum impositionum.

[urn:nbn:de:hbz:466:1-62377](https://nbn-resolving.org/urn:nbn:de:hbz:466:1-62377)

Regula lxx. Innocentij VIII.

REVOCATIO FACULTATVM ET ALIARVM
impositionum.

Item revocavit quascumque decimarum, subsidiarum, vigesima, & aliorum onerum impositiones, quæ à præfato prædecessore suo ex quavis causa in subsidium expeditionis contra Turcas, & alios Orthodoxæ fidei hostes emanarunt, & tam super decimarum, vigesima & onerum huiusmodi exactione, quàm alias quascumque facultates quibusvis fructuum, reddituum, & proventuum Camera Apostolicæ debitorum collectoribus, & Apostolicæ Sedis Nuntiis etiam cum plena potestate Legati de latere ab eodem prædecessore concessas: eorum collectoriarum officia & commissa eisdem Nuntiis principaliter, seu alia quavis negotia non concernentes: suspendit quoque ad suæ S. & Sedis Apostolicæ beneplacitum quascumque plenarias indulgentias, quæ ab eodem prædecessore ex quavis causa, etiam expeditionis huiusmodi concessæ fuerint, nec non deputandi & eligendi confessores, qui plenariè absolvant, & alia faciant ad earundem indulgentiarum effectum reliquas suas facultates indulgentias ipsas quomodolibet concernentes, quoad ea, in quibus indulgentiæ & facultates ipsæ sunt sortitæ effectum, ita ut in illis, qui implentes iniuncta eis in litteris indulgentiarum huiusmodi iam consecuti sunt facultatem eligendi confessorem, qui absolvat eos plenariè in mortis articulo per huiusmodi suspensionem non præiudicentur, quin facultate ipsa uti possint in futurum. Decrevit quoque irritum & inane quicquid facultatum revocatarum earundem prætextu in posterum contigerit attentari.

GLOSSEMA ALPHONSI.

Ista regula hoc intendit, quod revocat Papa decimas, & alia subsidia imposita per prædecessorem suum etiam contra Turcas, & alios infideles, &c. Item suspensa indulgentias plenarias ex quavis causa, etiam expeditionis contra Turcas à prædecessore suo concessas, &c. ad beneplacitum suum & sedis Apostolica: tamen si sortita sunt effectum, non revocat, puta quia annus dedit certas pecunias contra Turcas, ut haberet indulgentias, &c. hoc dicit, & dividitur in tres partes mentales, quæ colliguntur per se, & quia in istis decimis, vigesimis, &c. possem aliqua iuridica dicere, pro nunc tamen taces, nam licet, ultra consilio Lxxii. quod posuit in titulo de Indeis dicat, quod Papa potest imponere decimas contra Sarracenos & alio consilio seq. dicit, quod dare possit cruciatum contra schismaticos & rebelles Ecclesia, quod posuit in titulo de privileg. tamen hoc ego non nego, si sic fieret: sed aliquando vertuntur in alios usus, &c. de quo satis dixi alibi, & quia aliquo modo alius sum à sede Apostolica, cum lachrymis tamen sanguinis, non debeo dicere aliquid contra eam, argumen. l. milites juncta gl. C. locati. Vnum tamen hic noto, quod Papa non revocat potestates datas Cardinalibus super prædictis, si sunt Legati vel nuntij Apostolica sedis, quoad hoc per ea quæ dixi supra regula proxima. Item per verba hic posita ibi etiam cum plena potestate legati de latere, &c. Ex quo infero, quod si potestas imponendi decimas, vel alia subsidia fuit data Cardinali Legato in Hispania, ad hoc à Sixto, ut Andegavensi legato in Francia, quod illa non sit revocata, & tunc nec quoad indulgentias hic expressas est suspensa per prædicta, quia si Papa hoc voluisset, expressisset argumen. cap. ad audientiam de decim. & quod lex non dicit, nec notidere debemus. l. iii. de offic. præsid. Sed quoad indulgentias credo contrarium per verba huius regule ibi, quæ ab eodem prædecessore etiam ex causa expeditionis, &c. & hæc sufficiant quoad primam partem, & de secunda & tertia partibus nunc non me intrmitto: quia indirectè videtur ista secunda pars facta ad utilitatem Officialium Curie, & tertia habet in se aliqua dubia, de quib. satis dixi in tractatu Iubilei, quem direxi Sixto.

Hic ponitur finis Regularum Innocentii VIII. sequuntur modo aliquot Regule Pauli V. quæ subjiciuntur Regulis Innocentij VIII.

Reg. 63. Revocatio facultatum percipiendi pretium officiorum.

Item revocavit, cassavit, & annullavit, ac irritas declaravit quascunq. facultates percipiendi